

آبونه شرایطی

ممالک عثمانیه ده سنه لیک (۶۵)، الق
آیلنی (۳۵) غروشدور .

ممالک اجنبیه ده سنه لیک (۱۷)، الق
آیلنی (۹) فراقدر .

اداره خانه

باب عالی جاده سیده دانه مخصوصه

اضطرابات

آبونه بدلی بشنور .

§

مسلمه موافق آثار مع المینویه قبول
اولنور . دوج ابدلین یاریلر احاه
اولونماز .

الشریفات

اضطرابات

رساله من آله بنی کو . ترمک شرطیله
تتون یاریلر هرمانکی غره طرفدن
اتاس واوله یار .

§

تکدر بلرله ، خالک وضع واولوناقلی
اولا ، واولا ، نوسروسی محتوی
ولونماز لاردر .

§

ممالک ابدیه انجور آبونه اولانلرک
آدرسلرینک فرانسزیده یارلرک رجا
اولبور .

§

باره کوندرلیدی ، ان نه یه د تراوالدینک
واشعا ییلر براسی رجا اولنور .

۱۳۳۰

عدد ۲۶۴

۱ ذی القعدة ۱۳۳۱

پنجشنبه

۱۹ ايلول ۱۳۲۹

جلد ۱۱

کتابلری بونار ایله دولدوره جق افراد ملت ایچون بوده حزین بر لوحه انتقام تشکیل ایده جکنده شبهه ایتیز .

ینه سوزی سیروزه نقل ایده جکم . چونکه سیروز بلغارلرک کیردکاری کوندن چیقده قلی کونه قدر اودرجه نجایع ووقایع الیه شاهد اولمشدرکه

سیروز مکتبلریله ، جامعریله ، مدرسه لریله ، عالم علم وعرفانه اولان خدمتیه ، بیوک ومترقی برمسلمان شهری اولان بوسویملی قصبه درتیوز کسور سنه ظرفنده دین نامه ، علم نامه آغوش فتوحانه الدینی بتون مؤسسائی ، موجوداتی درب کون ظرفنده غائب ایتیش ؛ بوقدر سنه تپه سنده اذان محمدی اوقونان مناره لریله ؛ درونندن تکیرلری ، توحیدلری سماره یوکسلتن قبه لریله چاکر ، صایبلر طاقیلش ؛ بر طاقلری خاکی ایله یکسان ، بر طاقلری ده حیوانلره آخر اولمشدر .

سیروزک جامعری نه قدر چوق ، شیرین ، اهالی ایله معمور ایسه مدرسه لری ده دائماً شرفی محافظه ایتیش ، عسکر قاقاقلرینه دکل ، بحق طالب علم وعرفان اولنلره دائماً جلوه کاه اولمشدر .

یکرمیدن فضله بیوک جامع شریفه مالک اولان بوقصبه رسمی وخصوصی مکتبلرندن ، لیلی دارالمعلمیندن ماعدا اون بش قدر مدرسه علمیه یه ده صاحب ایدی که بو کون بالقانلرک وحشی وغدار جنوارلری اولان بلغارلر نه جامعلردن ، نه مکتبلردن ، نه مدرسه لردن هیچ بر شی بر اقامشدر ، هپسینی محو وخراب ایتیشدر . صدق مدعایه دلیل اولمق ایچون دکل ، بر قصبه داخلنده کی بر حقیقه تمامیه واقف اولمق ، دیکرلریخده بوکا قیاس ایتک ایچون بو بابده بر جدولی عالم اسلامک نظر دقتارینه وضع ایدیورز :

۱ — سلطان مراد جامع شریفی (نام دیکر : اسکی جامع) :

کلیسایه قلب اولونمش ؛ مناره لری ، منبری ، کرسیسی ییقلمش ، مصحف شریفلری ، لوحه لری یرتیلهرق سوقاغه آتیلش ؛ مناره ، منبر انقاضی ده مسلمانلره قالدیرتیلمشدر .

۲ — قاتاقنوس جامع شریفی :

دها استیلانک ایکنجی کونی خاکی ایله یکسان ایدلشددر .

۳ — خلیل پاشا جامع شریفی :

بلغار اردوسنه مخصوص خنزیر اتلرینه ده بو اتخاذا ایدلشددر .

۴ — غازی اوردنوس جامع شریفی :

استیلایی متعاقب تمام قرق بش کون عمریه اوکوزلرینه آخر اتخاذا ایدلش ، مؤخرآ وقوعبولان طلب اوزرینه تخلیه اولونمشدر .

۵ — مصطفی پاشا جامع شریفی :

تخته لری ایله قسم خارجییی تخریب اولونمش ؛ اورطه قسمی اسلحه ده پوسی یاییلمشدر .

۶ — سلیمان افندی جامع شریفی :

قیشله یاییلمش ؛ بالاخره مطبخلره یاقین اولدیغندن بالکلیه ییقدریلهرق انقاضیه یمک پیشیرلشددر .

اناجیل طرفندن کنیسا تاریخی اولارق یازیلان وعددی اوچوزی تجاوز ایدن کتابلر ایچنده بر جمعیت روحانیه طرفندن انتخاب ایدیان درت کتابدر .

بونلرک ایچندن یالکز « یوحنا » حواریوندن وحضرت عیسانک تیزه زاده سی اولدینی سولانیور . « متی » حضرت عیسی یی یالکز سایه رفع اولدینی سنه کورمش ، « لوقا » ایسه حضرت عیسی یه یتشمه مش ، آنی اصلا کورمه مش ؛ حضرت عیسی نک رفعندن صوکره « پاولو » یدنده خرسنیا ن اولمشدر . « مرقوس » ده حضرت عیسائی اصلا کورمیوب رفع عیسادن صوکره حواریوندن بولنان « پترو » نک یدنده خرسنیا ن اولمش وروما شهرنده انجیلنی یازمشدر . نه حاجت ! حضرت مسیحک کنندیسیله وعظ ونصیحت ایلدیکی انجیل تسمیه ایدیلن شیئک هپسینی نصارانک محافظه ایدمه دکارینه دائر قرآن کریم شهادت ایتیورمی ؟ « ومن الذين قالوا انا نضاري اخذنا ميثاقهم فنسوا حظاً مما ذكروا به »

قرآن کریم ، نصارا حقنده ویرمش اولدینی بو حکمی یهودحقنده ده ویرور . بناء علیه آیت کریمه ایله آله متداول اولان تورات ایله انجیلک صحتی استدلال ایتکمز طوغری دکلدر .

« مصاحبه منجته دی »

اقسه کیلی

احمد حمیدی

اهل صلیب مظالمی

الواع انتباه :

وما علینا الا البلاغ

یازمقله ، اکلایمقله بیتکم شانندن اولمایان بلغار وحشتلرینک بو نسخه مزده محدود بر محیط ایچنده ، تک بر قصبه داخلنده مسلمانلرک دینه ، عبادت خانه لرینه قارشلی اولان وضعیت ملعونانه لری تشریح ایتک ایتسیورز . بقیه السیوف مسلمانلرک دینلری کونکندن ییقمق ، اوقاف اسلامیه یی اساسندن محو ایتک ، بوسیله اونلری دینسز ، جاهل ، عاقل ، روحسز یاشاتمق پولتیقه سنی تعقیب ایدن بلغار دوستلر مزک نه چیچک اولدقلری برقات دها اکلایسیلسون .

بو دین دشمنی بلغارلره اوقاف اسلامیه مسئله سی موضوع بحث اولدینی ، بر نتیجه قطعییه اقترا ن ایتکده بولوندینی بر صرده اساساً حکومتجه معلوم اولسی لازم کان بو حقیقتلرک ، بو وثیقه لرک ایریجه بر موقع طوتهرق بر فائده تأمین ایدمه جکی امید ایتسمه ک بیله - حکومتک نه قدر دوست اولورسه اولسون - بلغار جنوارلرینه قارشلی ابدیاً بر دشمن بی امان اولهرق یاشایه جق ، اولاد واحفادینه بو حسی تلقیح ایدمه جک ، بشیکده کی چوققلرینی بو ظلم نخلری ایله او یوده جق ، مکتب

۲۴- مزارقار :

بلااستا طویچی و سواری حیوانلرینه تیار، تعلیم و کزنی محالری یاییلمشدر.
۲۵ - اسلام دارالمعلمین ، و مکتبلی ، قلوبلی ، کیمی بلغار
متره پولید خانه سی ، کیمی ارزاق و اون ده پوسی ، کیمی خسته خانه
یاییلمشدر. درت بش دانه ده احراق ایدلمشدر.

ایشته ای قوجه مسلمانلر !

صلیبک ، بالخاصه صلیب طاشیان بلغارلر کبی وحشی بر ملتک
کیردکری دار ، کزدکری دیار اسلامده ، مقدسات دینه نک ، دینک ،
مسلمانلرک اوفرادینی فلاکتلی ، حقاتلری کوروکز . مسلمانلرک
باشنه بو فلاکتلی مسلمانلر کتیرمدی . مسلمانلر کتیردی . بونده
بویله بیلکیز . مسلمانلرک دینلرندن آیرملری ، اخلاق اسلامیدن
اوزاقلشمه لری ، وحدتی ترک ایتلری ، بربرلیه چکشمه لری بو حالده
سبب اولدی . بونلری اونو تئیمیکز ، حکومت ایستدیکی قدر دوست
اولسون ، نه اولورسه اولسون سز بو آجیلری قلبکزدن چیقارمایکیز .
بونلری اونو تئیمیکز کون کندکزی ده اونودوکز .

وما علی سبیل الرشاد الا الارشاد مفتی زاده :

م . اسعد

مکتب

هندستانه اخبار مخصوصه :

هند ایشیکی ، قاپوسی : بومبای

نفرسی :

بومبای نفوسی بر میلیونه قریبدر . نفوس مذکورده نک یوزده قرق بشی
اسلام ، متبایستی بت پرست هندولدر . بومبایده کی پارسیر - مجوسیر - وقتیه
ایراندن کلش و هندستانده توطن ایتلردر .

عناصر اسلامیه :

بومبای مسلمانلری بر قاق عنصره تقسیم ایدیلر . هر عنصرک مذهبی ،
اعتقاداتی ، اخلاق و عاداتی ده بشقه در .

۱- سیملر :

بومبایده و هندستانک ، کجرات ، احمد آباد ، صورت ، کراچی و سائر
سواحله اقامت و تجارت ایتکده درلر . میهنلر سنی المذهب اولوب المذای راشدینه
صوک درجه اظهار حرمت ایتدکری کبی ، طریقت نقطه سندنده جمله سی (شیخ
عبدالقادر کیلانی) قدس سره العزیز حضرتلرینک تأسیس ایتدکری (طریقت
قادریه) به اعتقاد و ارتباطلری واردر .

(حضرت غوث کیلانی) نک اولاد و احفادنندن بولان بغداد نقیب الاشراف
سماختلو سیادتلو (سید عبدالرحمان) افندی حضرتلرله عین سلاله و خاندانه منسوب
بولان ذواته افراط درجه سنده اخلاص و عبودیت حسیله متحسین اولان میمنلر
بر قاق کی اول هندستانه برای تفرج و سیاحت تشریف ایدن عین سلاله به

۷ - خراجی محی الدین جامع شریفی :

قسم خارجیسی ییقلمش ، درونی حیوانلره آخور اتخا ایدلمشدر.

۸ - اسماعیل بک محله جامی :

عسکره مسکن اوله رق تخصیص ایدلمشدر .

۹ - اورطه مزارلق جامع شریفی :

جامع اوطله لری ، درگاه تخریب اولمش ؛ جامعک قسم خارجیسی
قره غولخانه ، قسم داخلیسی ده ارزاق ده پوسی یاییلمشدر .

۱۰ - عینی زاده جامع شریفی :

درگاهه عائد مبانی ایله مسافر خانه لرتخریب ایدیلهرک جامع برمدت
عسکره مسکن اولمش ، قیش زمانی ده ییقلمش یاییلمشدر .

- ایزلادی جامع شریفی :

جیخانلهک اوله رق استعمال ایدلمشدر .

۱۲ - نعلینی جامع شریفی :

استیلا ایله برابر آیلرجه عسکر اقامت ایتدیرلش ، اخیراً ترک
ایدلمشدر .

۱۳ - قیشله جامی :

برمدت عسکره مسکن ، اخیراً کلیسا ، دها صوکره قسملاً تخریب
اولونه رق ترک ایدلمشدر .

۱۴ - موسی چلبی جامع شریفی :

تماماً ییقله رق انقاضی مطبخلرده استعمال اولومشدر .

۱۵ - سلجوق سلطان جامع شریفی :

بلغار قومته لرینه اقامتگاه لیلی اولمشدر .

۱۶ - تاتار خاتون جامع شریفی :

اولا قره غول حالنه افراغ اولومش ، مؤخرأ قره غول اسلام خانه سنه
نقل ایدیلهرک صوک زمانه قدر ارزاق و اسلحه ده پوسی یاییلمشدر .

۱۷ - پارمقلی جامع شریفی :

بکسداد وادرنه دن کلهن واغونلر دولوسی قاشقاوال ده پوسی یاییلدی
ایدی . مؤخرأ یاییلدی .

۱۸ - مدرسه لر :

برقیمی تخریب ، برقیمی قشله ، برقیمی خسته خانه یاییلمشدر .

۱۹ - ماحرامالی جامی :

برمدت قابالی طورمش ، صوکره یاییلمشدر .

۲۰ - آربه جیلر جامی : ییقلمشدر .

۲۱ - مولو بخانه :

بنالر ، تره لر ، صندوقلر ، کتابه لر عوما هدم اولومش ؛ قالانلری
یاییلمشدر .

۲۲ - بدرالدین سبوی درگاهی :

پوشیده لری سرقت ، کتابه و تره تماماً تخریب ایداشدر .

۲۳ - احمد پاشاده یوسف پاشا قبرستانی :

بالعموم قبرلر ، طاشلر ، یازیلر ، اثار عتیقه لر تخریب ایدلمشدر .